

आकाशवाणी

खबरां ----

1. केंद्रीय गृह ते सहकारिता मंत्री अमित शाह होरें लोकसभा च घोषणा कीती ऐ जे सरकार सहकारी टैक्सी सेवा शुरू करौग।
2. रक्षा मंत्रालय नै अज्ज नाग मिसाइल सिस्टम - इक टैंक-रोधी हथियार प्लेटफॉर्म ते 5 हजार हौली गड्डिं दी खरीद आस्तै दो हजार 5 सौ करोड़ रुपे दे अनुबंध पर दस्तखत कीते।
3. इलेक्ट्रॉनिकी ते सूचना प्रौद्योगिकी मंत्री अश्विनी वैष्णव होरें आक्खेआ जे भारत अज्ज दुनिया च दुआ सबने थवा बड्डा 5जी दा बाजार बनी चुके दा ऐ।
4. एशिया दी सब्भनें शा लम्मी जोजिला सुरंग जेड़ी जम्मू-कश्मीर च बनारदी ऐ ओहदा कम्म तकरीबन 70 फीसदी मुकम्मल होई चुके दा ऐ आक्खेआ केन्द्रीय मंत्री नितिन गडकरी होरें
5. केंद्र ने राज्यें गी विमानन टर्बाइन ईंधन (ATF) पर वैट गी घट्ट करने आस्तै चिट्ठी लिखी ऐ तां जे देशै च एयर टिकट दी कीमतें गी काबू च कीता जाई सकै।
6. अज्ज विश्व रंगमंच दिवस मनाया जा'रदा ऐ।

<><><><><><>

Loksabha-Cooperative Taxi

केंद्रीय गृह ते सहकारिता मंत्री अमित शाह होरें घोषणा कीती ऐ जे सरकार सहकारी टैक्सीर सेवा शुरू करौग। सहकारिता राएं संचालित एह सेवा उबर ते ओला दे मॉडल पर कम्म करौग। लोकसभा च इक बहस च हिस्सार लैन्दे होई श्री शाह होरें आक्खेआ जे एहू गैं सहकार सोयां समृद्धि मूजब पुट्टी गेई ऐ। उने आक्खेआ जे किश गै महीनें च इक बड्डी सहकारी टैक्सी सेवा शुरू कीती जाग जिसदे च दोपहिया, टैक्सी, रिक्शा ते चार पहियें आले वाहनं दा पंजीकरण संभव होगा। इसदे तैहत लाभ सीधे ड्राइवर गी होग

<><><><><><>

Defence-Purchase

रक्षा मंत्रालय नै अज्ज नाग मिसाइल सिस्टम- नामिस, इक टैंक-रोधी हथियार प्लेटफॉर्म ते 5 हजार हौली गड्डिएं दी खरीद आस्तै दो हजार 5 सौ करोड़ रुपे दे अनुबंध पर दस्तखत कीते। मंत्रालय नै इक बयान च आक्खेआ जे नामिस ते हौली गड्डिएं खरीद कन्नै स्वदेशीकरण ते राष्ट्रीय रक्षा उपकरण विनिर्माण क्षमताएं च बढ़ा होग। इने परियोजनाएं च रक्षा उपकरणों दे विनिर्माण दे माध्यम कन्नै लौहके भलेआ लौहके ते दरमेयाने दर्जे दे उद्यम - एमएसएमई क्षेत्र गी प्रोत्साहित करदे होई प्रत्यक्ष ते परोक्ष रूप कन्नै रोजगार सृजन दी अपार संभावना ऐ।

<><><><><><>

Karnatka-Tripura

केंद्र सरकार नै माली बरे 2024-25 आस्तै त्रिपुरा ते कर्नाटक च ग्रामीण मकामी निकायें आस्तै 15में माली आयोग अनुदान दी दूई किस्त जारी कीती ऐ। पंचायती राज मंत्रालय नै इक बयान च आक्खेआ ऐ जे त्रिपुरा गी 31 करोड़ रुपे सोयां मती दी अनुदान राशि आवंटित कीती गई ऐ। इसदे कन्ने 5 सौ 89(नानुएं) पात्र ग्राम पंचायतें कन्नै सारे ब्लॉक पंचायतें, जिला पंचायतें ते रिवायती मुकामी निकायें गी लाहू होग। मंत्रालय मूजब राज्य च ग्राम पंचायतें गी 4 सौ करोड़ रुपे सोयां मते दे अनुदान जारी कीते गए न।

<><><><><><>

Rajyasabha

राज्यसभा दे सभापति जगदीप धनखड़ होरें कांग्रेस दी वरिष्ठ नेता सोनिया गांधी हुन्दे पर कथित तौर पर आक्षेप करने आस्तै केंद्रीय गृह मंत्री अमित शाह हुन्दे खिलाफ कांग्रेस आस्सेआ आने गेदे विशेषाधिकार हनन प्रस्ताव गी खारिज करी दिता ऐ। इस प्रस्ताव गी सदन च कांग्रेस दे सांसद जयराम रमेश होरें श्री शाह हुन्दी टिप्पणी पर आनेआ। श्री शाह होरें अपनी टिप्पणी च आक्खेआ

ऐ जे कांग्रेस जिसलै सत्ता च ही तां उसलै प्रधानमंत्री राष्ट्री य राहत कोष दा नियंत्रण इक परिवार नै कीता। इस प्रस्ताव दा खंडन करदे होई सभापति होरें आक्खेआ जे उने इसी पूर ध्यानै नै पढेआ ऐ ते इसदे च कुसै चाल्ली दा विशेषाधिकार हनन नेई ऐ। उने आक्खेआ जे इसदे च सच्च दा पूरी चाल्ली पालन कीता गेआ ऐ। जियां जे श्री शाह हुन्दी टिप्पणियों पर प्रस्तुत दस्तावेज कन्नै प्रमाणित हुन्दा ऐ। श्री धनखड़ होरें जल्दीबाजी च आनने गेदे विशेषाधिकार हनन प्रस्ताव पर दुःख जाहिर करदे होई आक्खेआ जे विशेषाधिकार हनन इक गंभीर मामला ऐ। उने आक्खेआ जे सदन लोकें दी प्रतिष्ठा नष्ट करने दा मंच नेई बनौगा। सभापति होरें आचार समिति सोयां सदस्यें दे आचरण आस्तै नमे दिशानिर्देश बनाने लेई आक्खेआ।

<><><><><><>

PM-MKB

प्रधानमंत्री नरेन्द्र मोदी होर म्हीने च इक बारी प्रसारत होने आले अपने रेडियो कार्यक्रम “मन की बात” इस बारी 30 मार्च गी देश विदेश च रौहने आले श्रोताएं कन्नै बचार सांझे करगंन। हर म्हीने दे खीरले ऐतवार बडलै 11 बजे प्रसारत होने आले इस कार्यक्रम दी एहू 120मीं किश्त होग। कार्यक्रम च शामिल करने लेई लोक अपने बचार ते सुझाहू कल 28 तरीक तगर टोल फ्री नंबर 1800-11-7800 पर भेजी सकदे न। एहदे इलावा लोक अपने बचार My Gov ते नरेन्द्र मोदी ऐप पर बी भेजी सकदे न। एहू कार्यक्रम आकाशवाणी ते दूरदर्शन दे समूलचे नेटवर्क दे इलावा न्यूज ऑन एयर मोबाइल ऐप पर बी उपलब्ध रौहगा। एहदे कन्नो कन्नी एहदा सिद्धा प्रसारण ए.आई.आर न्यूज, डीडी न्यूज, प्रधानमंत्री हुंदे दफ्तर ते सूचना ते प्रसारण मंत्रालय दे यूट्यूब चैनलें पर बी कीता जाग। आकाशवाणी जम्मू पर मन की बात दे तुरत मगरा एहदा डोगरी च अनुवाद प्रसारत कीता जाग। एहदा डोगरी अनुवाद तुस रातीं 8 बजे इक बारी परतियै सुनी सकदे ओ।

<><><><><><>

Ashwani-5G Market

इलेक्ट्रॉनिकी ते सूचना प्रौद्योगिकी मंत्री अश्विनी वैष्णव होरें आक्खेआ जे भारत अज्ज दुनिया च दुआ सबने थ्वा बड्डा 5जी दा बाजार बनी चुके दा ऐ। नमी दिल्ली च अज्ज इक कार्यक्रम गी संबोधित करदे होई श्री वैष्णव होरें आक्खेआ जे सरकार आस्सेआ ध्यान दिये जाने करी बक्ख बक्ख क्षेत्रें च बुनियादी बदलाव आवा र दे ना। उने आक्खेआ जे बक्ख बक्ख क्षेत्रें च लगभग 11 लाख करोड दा निवेश होआ र दे ना। श्री वैष्णव होरें दस्सेआ जे भारतीय रेलवे इस बरे इक अशारिया 6 अरब टन दा वहन करिऐ दूआ सबने थ्वा बड्डा वाहक बना र दा ऐ। उने आक्खेआ जे दस वर्ष पैहले देश च इलेक्ट्रॉनिक विनिर्माण पर ध्यान नेई दिता गेआ। पर अज्ज एह क्षेत्र शीर्ष निर्यात दा क्षेत्र बनी चुके दा ऐ।

<><><><><><>

Zojila-Tunnel

एशिया दी सब्भनें शा लम्मी जोजिला सुरंग जेड़ी जम्मू-कश्मीर च बनारदी ऐ ओहदा कम्म तकरीबन 70 फीसदी मुक्की चुके दा ऐ। इस सुरंग गी बनाने दी परियोजना दा खर्चा 5 ज्हार 500 करोड रपे थमां उप्पर दा ऐ ते एह सुरंग श्रीनगर थमां लद्दाख तगर हर मौसम च संपर्क प्रदान करोग। जोजिला सुरंग परियोजना च 13 किलोमीटर शा मती लम्मी सुरंग बनाई जा'रदी ऐ ते इस सुरंग तगर पुज्जने आस्तै 17 किलोमीटर थमां बद्द शिडकां बनाइयां जा'रदियां न ते कुल मलाइयै इस परियोजना दे तैहत 30 किलोमीटर लम्मी शिडक बनोग। अज्ज लोकसभा च शिडक यातायात ते जरनैली शिडकें दे केंद्री मंत्री नितिन गडकरी होरें एह जानकारी इक्क सोआलै दे परते च दिती।

<><><><><><>

Road-Infrastructure

शिडक, यातायात ते जरनैली शिडकें दे केंद्री मंत्री नितिन गडकरी होरें अज्ज लोकसभा च जानकारी दिती ऐ जे जम्मू-कश्मीर च शिडक ढांचागत आस्तै 2 लक्ख करोड रपे दी परियोजनां लागू कीतियां गेदियां ना। उनें इब्बी दस्सेआ जे जम्मू-कश्मीर च शिडक संपर्क दे सुधार आस्तै 105 सुरंगां बनी

गेदियां ना। उनें जोर पाया जे जम्मू ते कश्मीर खेत्तर बश्कार 22 सुरंगें गी लेइयै कम्म होई चुके दा ऐ ते सीमा सड़क संगठन-बीआरओ दे राएं 14 होर सुरंगां बनाइयां जा'रदियां ना।

<><><><><><>

Amit-Shah

हुरियत कन्नै जुडे दे द'ऊं होरनें समूहें - जेएंडके तहरीके इस्तेकलाल ते जेएंडके तहरीके इस्तेकामत नै अलगाववाद दी बत्त तज्जी दिक्ती ऐ। गृह मंत्री अमित शाह होरें सोशल मीडिया दी इक पोस्ट राहें एह जानकारी सांझी करदे होई आखेआ ऐ जे इ'नें दौनें समूहें प्रधानमंत्री नरेन्द्र मोदी हुंदे आसेआ तैयार नमें भारत च अपना विश्वास व्यक्त कीता ऐ। शाह होरें इब्बी आखेआ ऐ जे मोदी सरकार दे कार्यकाल दरान, कश्मीर च अलगाववाद हून अपने खीरी साहू लैऽ करदा ऐ ते एकता दी जित्त होआ करदी ऐ।

<><><><><><>

Encounter

जम्मू दे कठुआ जिले दे जुथाना इलाके च होआ'रदे इक टाक्करे च द'ऊं पुलसकर्मी जखमीं होए ना। आकाशवाणी दे जम्मू संवाददाता दी रिपोर्ट मूजब, पिच्छले च'ऊं दिनें थमां सुरक्षाबलें आसेआ हीरानगर सैक्टर च आतंकवाद-रोधी इक बड्डा अभियान चलाया जा'रदा ऐ। टाक्करा अज्ज बड्डुलै उसलै होआ जिसलै सुरक्षाबलें, हीरानगर सैक्टर च जंदे ऐतवारें होए दे टाक्करे आहली थाहै थमां कोई 30 किलोमीटर दूर राजबाग दे घाटी जुथाना इलाके च आतंकवादिएं गी दिक्खेआ। खीरी रिपोर्टां थोने तगर दौने बक्खी दा गोलीबारी जारी ही। मन्नेआ जा'रदा ऐ जे एह आतंकवादी, जंदे ऐतवारें हीरानगर सैक्टर च होए दे इक लौहके नेहू टाक्करे दरान उत्थुआं नस्सी गेदे आतंकवादी गै ना। सुरक्षाबलें आसेआ जंदे संगारें, टाक्करे आहली थाहै दे नेडे दा गै एम4 कारबाइन दिआं 4 मैगजीनां, 2

हथगोले, इक बुलेटप्रूफ जैकेट, स्लीपिंग बैग, ट्रैक सूट, जूते, खाने-पीने दा समेयान ते आईईडी बनाने दा किश समेयान बरामद कीता गेआ हा।

<><><><><><>

LG-Appointment Letter

लेफ्टिनेंट गवर्नर मनोज सिन्हा होरें पिच्छले ब'रे रियासी च होए दे आतंकवादी हमले च जान मुहाने आहले अर्जुन शर्मा हुंदी भैहन रेणु शर्मा होरें'गी अज्ज हमदर्दी दी बिनाह उप्पर सरकारी नौकरी आहला नियुक्ति पत्तर भेंट कीता। अर्जुन शर्मा होर ओकड़ी बस दे कंडक्टर हे, जेहदे पर आतंकवादिएं जंदी 9 जून 2024 गी रियासी च हमला कीता हा। एलजी होरें उं'दे परोआर गी प्रशासन दी तरफा हर मुमकन मदाद दा भरोसा दोआया ऐ।

<><><><><><>

CEO-Prasar Bharti-FICCI

प्रसार भारती दे मुख कारजकारी अधिकारी गौरव द्विवेदी होर अज्ज मुंबई च फिक्की -ईवाई मीडिया ते मनोरंजन उद्योग दी रिपोर्ट जारी करने दे मौके पर मौजूद हे। सभा गी संबोधित करदे होई प्रसार भारती दे मुख कार्यकारी अधिकारी गौरव द्विवेदी होरें आक्खेआ जे उद्योग च नियमित रूप कन्नै बड़ी मात्रा च समेकन ते विषय-वस्तु दा विशाल लोकतंत्रीकरण होआ र'दा ऐ। उने आक्खेआ जे दूर-दराज दे क्षेत्रें सोयां प्रतिभा दिक्खने गी आवा र'दी ऐ। ओह प्रौद्योगिकी दा इस्तेमाल करने ते विशाल दर्शकें तकर पुज्ज बनाने च सक्षम ऐ। श्री द्विवेदी होरें आक्खेआ जे मीडिया उद्योग च प्रौद्योगिकी रचनात्मिकता ते वितरण दे स्तर पर महत्वपूर्ण भूमिका निभादी ऐ। प्रौद्योगिकी दे नमे प्रारूप दी सामग्री सनें इंदियां अपनियां चुनौतियां भी हैन। श्री द्विवेदी होरें आक्खेआ जे अस किस चाल्ली दी सामग्री दा इस्तेमाल करा र दे आं, इस पर ध्यादन दिते जाने दी लोड ऐ। सूचना ते प्रसारण मंत्रालय नै रचनात्मिक प्रौद्योगिकी पैहल संस्थादन दी शुरूआत कीती ऐ। इस संस्थादन राएं प्रौद्योगिकी ते

सामग्री की विकास प्रक्रिया संभव होआ र दी ऐ। सूचना ते प्रसारण मंत्रालय दे आगामी वेब्सऐ कार्यक्रम गी लेईऐ श्री द्विवेदी होरें आक्खेआ जे एह मीडियाकर्मी ते सर्जकें ते विश्वरभर च तकनीक कन्नै जुडे दे लोकें गी इक मंच पर मीडिया ते मनोरंजन उद्योग च शामिल होने दा मौका प्रदान करौगा। उने आक्खेआ जे प्रधानमंत्री इसदा उद्घाटन करडन ते ओह सीईओ गोलमेज बैठक दे प्रमुख भी होंडन। विश्वगभर दे मनोरंजन उद्योग दे मुख कार्यकारी अधिकारी इसदे च शामिल होंडन। उने आक्खेआ जे इत्थे केई सत्र ते सांस्कृतिक गतिविधियां होंडन।

<><><><><><>

India-UN

भारत आस्सेआ बाल मृत्यु दर गी घट्ट करने लेई कीते जा'रदे जतनें दी संयुक्त राष्ट्र च बी सिफ्त होआ करदी ऐ। इस बारे संयुक्त राष्ट्र की इक रिपोर्ट च आयुश्मान भारत कार्यक्रम दा बी चेचा तौरा पर जिक्र कीता गेदा ऐ। जेहदे तैहत भारत च सेहत बवस्था च मता सुधार दिखने च लब्धा करदा ऐ। रिपोर्ट मूजब सन् 2000 दे बाद भारत च 5एं बरे कोला हेठली उमरी दे बच्चे की मौत दे आंकड़े च 70 प्रतिशत की कमी दर्ज कीती गेई ऐ।

<><><><><><>

Loksabha-Air ticket

केंद्र ने राज्यों को विमानन टर्बाइन ईंधन (ATF) पर वैट को कम करने के लिए पत्र लिखा है ताकि देश में एयर टिकट की कीमतों को नियंत्रित किया जा सके। लोकसभा में आज प्रश्नकाल के दौरान एयर टिकट की कीमत पर उत्तर देते हुए नागरिक उड्डयन मंत्री के. राममोहन नायडू ने कहा कि 45 प्रतिशत एयरफेयर की कीमत ATF के कारण होती है और कुछ राज्य इस ईंधन पर 29 प्रतिशत वैट लगा रहे हैं। उन्होंने कहा कि कुछ राज्यों ने ATF पर वैट को पांच प्रतिशत से नीचे घटा दिया है, जबकि तमिलनाडु अभी भी इस ईंधन पर 29 प्रतिशत वैट सबसे अधिक लगा रहा है। उन्होंने यह भी

बताया कि एयरफेयर गतिशील होता है और यह मांग पर आधारित होता है। श्री नायडू ने स्पष्ट किया कि सरकार एयर टिकट की कीमतें तय नहीं करती।

<><><><><><>

Rangmanch-Day

अज्ज विश्व रंगमंच दिवस ऐ। एह दिवस हर वरे 27 मार्च गी कलाकारें ते सांस्कृतिक आदान-प्रदान ते मानवीय अभिव्यक्ति च इसदी भूमिका दे सम्मान च मनाया जन्दा ऐ। इस साल दा विषय ऐ- "रंगमंच ते शांति दी संस्कृति"। आकाशवाणी समाचार कन्नै खास तौर पर गल्ल बात कदे होई रंगमंच कलाकार ते बॉलीवुड दे जाने-माने अभिनेता पुनीत तिवारी होरें बी अपने विचार साझा कीते हे। उनें आखेआ जे इस दिन दा मुख मकसद रंगमंच दी शक्ति गी पंछानना ते इसी इक प्रभावशाली कला दे तौर पर बढ़ावा देना ऐ।

<><><><><><>

Hamas-Spokesperson Death

इस्राइल दे युद्धक विमानें अज्ज बडलै गाजा च हवाई हमले कीते। इस हमले च हमास दे प्रवक्ता अब्देल-लतीफ़ अल-कानूआ ते इक परोआर दे 6 लोग मारे गए। खबरें मूजब अल-कानूआ उत्तआरी गाजा दे जबालिया क्षेत्र च इक टेंट च रवा र दा हा। उसै टेंट पर होए दे हमले च ओह मारेआ गया। हमास दे अधिकारी बासेम नईम होरें इस घटना दी पुष्टि कीती। गाजा सेहत मंत्रालय दी आपातकालीन सेवा मूजब गाजा शैहर दे नेडे इक होर हमले च चार बच्चेब ते उनदे अभिभावक मारे गए न। इस्राइल नै पिछले हफते हमास कन्नै अपने संघर्षविराम समझौते गी समाप्त कीता। इस समझौते दे समापन दे मगरा इस्राइल नै केई हमले कीते। इसदे च सैंकड़ें बदे फिलीस्तीनी मारे गए। इस्राइल नै आखेआ ऐ जे जेकर हमास बंधकें गी रिहा नेई करदा, हथियार नेई छोडदा ते इस क्षेत्र गी जिसलै तगर नेई छोडदा ऐ उसलै तगर ओह हमले जारी रखौग। हमास नै आखेआ जे ओह बाकी 59 बंधकें गी रिहा करौग। एह अदला-बदली टिकाऊ संघर्षविराम ते इस्राइली सैनिकें दी वापसी दे बदले च होग।

<><><><><><>

India-China

विदेश मंत्री सुब्रह्मण्यम जयशंकर होरें आखेआ ऐ जे भारत ते चीन ब'रे 2020 च गलवान घाटी च होई दिएं झड़फें करी खराब होए दे सरबंधें गी सुधारने दी कोशश करै करदे ना। उ'नें आखेआ जे सरबंधें च तनोतनी कन्नै कुसै बी पक्ख गी लाहू नेई होग। डॉक्टर जयशंकर होरें आखेआ जे मतभेद, विवाद नेई बनने चाईदे ते मुकाबलेबाजी, संघर्ष आली स्थिति पैदा नेई होनी चाईदी। उ'नें नमीं दिल्ली च कल एशिया सोसाइटी दे अध्यक्ष ते मुख कार्यकारी अधिकारी क्यूंग-व्हा कांग हुंदे कन्नै भारत-चीन सरबंधें पर गल्लबात च एहू गल्ल आखी। डॉक्टर जयशंकर होरें आखेआ जे पिच्छले ब'रे अक्तूबर थमां दौनें मुखें बशकार सरबंधें च किश सुधार होआ ऐ ते दवै मुख, अपने सरबंधें दे बक्ख-बक्ख पैहलुएं पर कम्म करै करदे ना। उ'नें आखेआ जे भारत ते चीन अपने सरबंधें गी परतियै सुधारने दे जतन करै करदे ना।

<><><><><><>

NCW

राष्ट्री महिला आयोग नै आखेआ ऐ जे ओहू देसै दे हर इक जिले च ब्याह-शादी शा पैहले आहले सलाहू-मशवरे मतल्लक केन्द्र खोलगा। इस सरबन्धै च पटना च मीडिया कन्नै गल्ल करदे होई आयोग दिएं अध्यक्ष विजया रहाटकर होरें आखेआ जे एहू आयोग दी इक नमीं पैहलकदमी ऐ, जिसी इस ब'रे अंतर्राष्ट्री महिला दिवस दे मौके उप्पर रम्भेआ गेआ ऐ। उ'नें दस्सेआ जे देसै दे 11एं राज्यें च अजें तोहड़ी ऐसे 23 केन्द्र खोली दित्ते गेदे ना। उ'नें गलाया जे इ'नें केन्द्रें गी सरकारी इमारतें च खोलेआ जा' रदा ऐ ते एहू जिला जां मुंसिपल इदारे दी निगरानी हेठ कम्म करडन। श्रीमती रहाटकर होरें इब्बी दस्सेआ जे इ'नें केन्द्रें दा लाहू ओकड़े जोड़ें गी थ्होग जिं'दा तौले गै ब्याह होने आहला ऐ। उ'नें गलाया

जे एह केन्द्र समाजी मनोविज्ञान ते ब्याह दे बवहासिक पैह्लुएं सरबंधी मदाद उपलब्ध करोआइन्। उ' नेँ गलाया जे ब्याहें दा त्रुट्टना ते संयुक्त परोआरें दा घटना चैंता दा विशे ऐ।

<><><><><><>